

江油縣志卷之二十三

外紀志

任 豫益州記云江油左擔道按圖在陰平縣北於成都爲西注曰其道至險自北來者擔在左肩不得度右肩也鄧艾束馬懸車之處

鍾 會旣死鄧艾將士椎破檻車出艾還向成都衛瓘自以與會共陷艾懼爲變乃遣護軍田續至綿竹夜襲艾及其子忠斬之初艾之入江油也以續不進將斬而宥之及瓘遣續謂之曰可以報江油之辱也

唐李白生於青蓮壩舊隸江油治南七十里相傳其母浣

江油縣志

卷廿三

外紀

一

紗於渡口有魚躍入筐中攜歸烹食之覺有孕遂產白今名曰蠻婆渡隸彰明又楊天惠彰明逸事云元符二年補令於此聞太白本邑人微時募縣小吏棄去隱居大匡山讀書臺至今存焉

宋蒲自通判文州議者欲開徑路達陝西自言洮岷積石至文甚邇自文州出江油鄧艾取蜀故道也曩時鬼章從此窺蜀畏其險隘而止夏人志此久矣可爲之通道乎議遂止

戴西嶺昔官兵部時張天師來朝公往謁之方坐有虬髯人捧茶至形貌猙獍公怪而目之天師曰不識乎此公

同里人也公起立詢其人曰蕭姓北門方欲再問而門外呵道聲至蓋顯貴來謁逡巡告退致仕歸里後暇日至北門訪之並無知者適遇土人鑿堰得一鐵鑄神像長丈餘洗視之五顯華光帝也不知鑄於何時魁梧奇古裝塑不及公頓憶京師虬髯即此亟命立廟祀之在北關外一里至今香火極盛

康熙二十二年知縣萬瑞麟泣任時猶一片荒蕪戶若晨星往省謁長官問及邑中人戶若干對曰成萬長官驚曰何若是之盛對曰城中惟有一城隍廟萬知縣而已無他有也聞者不覺大噱

江油縣志

卷十三

外紀

二

僧了然道行樸實獨居觀霧山天仙洞洞口架一木爲梁人不能渡久之因圖山破敗眾請其主持修建遂去霧至圖時年已老虔心勸募相傳有竊其園中蔬者怒責土地守之盜者輒病有布施未清者即責韋馱索之或感於夢寐或示其靈異故不論遠近聞風樂助大工畢舉煥然一新

觀音寺僧忍微南籠人也精禪理喜吟咏其塔偈云不是心兮不是佛脚踏元機獨露出反覆回來疑殺人一場笑也一場哭又云平生肝膽向人傾吐盡當年息氣因莫道歸來無所記石礪猶爲粲傳燈年八十二卒自題

墓碣云吾年八十二出世弗濟世不若歸去來從頭又
一二圖山了然即其嗣徒也

李雨村太史夏日偶避暑山寺僧玉池獻詩有句云筆花
來上苑藜火映山房公大喜與之談詩夜分故公贈詩
有燃藜佳句之稱臨別留贈云殿閣崔巍煒或西雕欄
藻稅映棖題自携瓶鉢來衡岳獨結茅廬傍蜀溪大厦
千家皆庇蔭小廊一榻許羈栖更闌共對參禪話不覺
松梢半月低僧和云金烏西墜月平西到處山川入品
題杯渡不驚湘水岸錫飛常在浣花溪輕翻貝葉黃昏
定靜掃蒲團白足栖佛殿來遊金殿客談空說有論高

江油縣志

卷十三

外紀

三

低

江梓間多供文昌帝君以帝所從神也治東黎雅場當交
界處有一洞中塑帝君像鄉人禱祈最靈洞前一黃連
樹大數抱兩縣民爭之久不決欲訟於官忽夜聞風雷
聲震數里及旦視之樹中劈爲二頭杪如故枝葉青濃
不損不枯人知爲帝神也皆驚謝之訟遂寢

觀音寺有古佛三尊嘉慶八年僧以其將壞毀而新之折
腹臟中有大明寶鈔各一其製用皮紙糊成修八寸寬
三寸上有洪武元年字并方印如升米數斗色皆紅黃
以水煮之雖熟而完好不爛僧以其古物仍裝臟中

德楞泰殺賊立功在嘉慶五年庚申正月賊匪冉添元由定遠過河二月營于梓潼泥底河總督魁倫不能禦退保金山驛賊遂長驅至金門壩二十二日破公字山寨日未午抵縣東新店場殺戮狼藉焚掠殆盡公率滿漢屯土官軍營黃茅嶺玉臺山距新店場賊營五里翼日平明擊賊賊眾披靡遁走白家壩追斬數千賊窘由百頃壩至重華場縱火入青林口又追擊之賊緣山而下至石子嶺之火石壩設伏以待公公張左右翼以進一軍從烏龍觀擊其西一軍從黑龍洞擊其東公自將中軍三面奮力攻打賊眾崩潰死者無算生擒首逆冉添

江油縣志

卷十三

外紀

四

元等械至成都斬于東市餘黨竄歸湖北皆賴公平定之當時論平賊功公居第一爵封繼勇侯攝四川將軍事蜀人立祠以報功德先是冉賊由劍州之武連驛下走梓潼百頃壩等處適於馬蹄岡造飯聚食公追兵忽到鎗炮大震鄉民之團結山寨者亦以鎗炮相應賊欲前遁不能爭於岡之左右奔突又爲溪田所阻冉賊陷於泥濘遂生擒之是役也殲於陣者數千畏而降者數千奪回男婦之被擄者又數千說者謂賊過嘉陵江後殺賊武功此爲第一

宋米芾字元章楚人號海嶽外史有書李太白題江油尉廳詩石刻今存城隍廟

元馬西峯都夏人於古山修煉聞張真人名遂訪道天倉山洞因留住焉

明郭文涓字稚源閩人號錦屏仙吏又號三山道人嘉靖戊申有遊大匡山詩

余坤楚人嘉靖辛亥有遊圖山詩
葉松保甯府同知有遊天倉洞記

國朝于宣號雪湄閩人康熙間官龍安府刑廳往來江邑題咏甚多

江油縣志

卷廿三 外紀

五

王堅號竹西江都人康熙間遊寓江油與諸名士相唱和一時稱爲盛事

古普賢大士駐錫觀霧山欲立道場因山高風烈故募建鐵耳爲殿道成凌空而去留雲裏振衣四字於石至今傳先有觀霧後有峩眉之語

唐法雲禪師號長眉僧於匡山中和寺開創經堂道行遠播又宋時有僧道圖結亭檜下吟詩刻石

竇真人名子明江油人爲彰明主簿後棄官隱於竇坪未幾至圖山修道抵仙女橋見一女人磨針因問之答曰鐵杵磨針功久自然成遂感悟復歸圖山怡神養性

三載白日飛昇今塑像俱存歲旱祈雨屢驗

景知果錄異記知果居圖山與虎豹同處馴如家犬鴉數集其肩臂之上鳴戲爲常又有巨蛇時出知果叱而遣之蜿蜒而去虎三數頭於庭中月夜交搏騰踏旣甚知果怒持白梃擊之遂散去其狎異類也如此一旦失所之

毛真人在太華山修煉道成仙去至今有太華觀乃其遺蹟

張真人平武人隱邑之天倉洞中都夏馬西峯於古山修煉聞之遠來欲訪道真人先入洞遂留住洞中天旱禱

江油縣志

卷十三 外紀

六

雨有應事聞封康濟龍王迄今洞有塑像

宋游仙方輿勝覽二仙女游於小溪山人驟遇之冉冉升雲而去異香杳靄至今名其地爲仙女舖

元張羽士縣志失其名至正間嘗師赤腳張神仙善五雷法祈雨輒應遇呂蓬頭授以黃白術遂行歌醉酒不知其所終

明智慧舊通志古城周曉師女生而不茹葷好誦經年十九有議婚者輒面壁經旬不起嘗絕粒食柏葉成化五年促父母送至江村口白馬寺樓上坐滅曆夏不朽平武鄉人遂以其身裝塑號智慧菩薩

國朝破山和尚名明江南人或云川東人駐錫圖山能書善吟甚有禪行

了然和尚陝西人創修圖山轉運工料頗有法力知縣朱樟有碑記

瑞生和尚江油人幼入圖山年七十餘沉靜寡言能率其弟子天聰修廟宇渡索橋履險若夷疑有神助云

玉池和尚湖南衡山人四歲披剃性聰穎通岐黃術尤好吟詩乾隆己亥來蜀住白廟寺李兩村太史嘗贈以詩云蜀中從未見詩僧臨濟宗支得上乘一自玉池來蜀後燃藜佳句遍川稱更爲刪定詩篇

江油縣志

卷廿三

外紀

七

萬信明火峯山道士自幼攜資入山數十年修哪吒真人樓備極堂皇復以所積千金買韓姓田畝歷年收租作諸善事且具呈存案歿後其徒同首事等遵守至今不廢

